

## **U G O V O R**

**O OSNIVANJU SAVEZA ZADRUGA U FEDERACIJI BOSNE I HERCEGOVINE**

**Sarajevo , 11.04 2017. godine**

Na osnovu člana 70. stav 2. Opšteg Zakona o zadrugama Bosne i Hercegovine (Službeni glasnik BiH, br. 18 / 03 od 01. jula 2003. godine ), ovlašteni predstavnici zadruga na Sjednici održanoj 11.04. 2017. godine, prihvatili su

## U G O V O R

### O OSNIVANJU SAVEZA ZADRUGA U FEDERACIJI BOSNE I HERCEGOVINE

#### OSNIVAČI

| r/b | Naziv i sjedište                                                | Broj i datum Rješenja                   | Adresa                                       | Ime zastupnika, br.lk i mjesto izdavanja                         |
|-----|-----------------------------------------------------------------|-----------------------------------------|----------------------------------------------|------------------------------------------------------------------|
| 1.  | Poljoprivredna zadruga "AGROEKO" p.o. Ilidža                    | 065-0-Reg-07-00<br>1287; 12.07.2007     | Uglješe Uzelca 91,<br>Ilidža                 | Drakulić Stevan,<br>270M02A1E, Ilidža, MUP KS                    |
| 2.  | Stambena zadruga "UPI RADNIKA" p.o. Sarajevo                    | UF/I-919/97;<br>31.12.1997.             | Odobašina 26-a,<br>Sarajevo                  | Mušović Sinan, 30LCH2169,<br>28.11.2012.,Sarajevo, MUP KS        |
| 3.  | Opća zemljoradnička zadruga "ŽEPAČKI ROLEND p.o." Žepče         | 043-0-Reg-11-<br>000475; 24.05.2011.    | Željezno Polje bb,<br>Žepče                  | Krehmić Mirzet,470K00516,<br>20.12.2013. Žepče, MUP ZDK          |
| 4.  | Zemljoradnička zadruga "AT" p.o. Donji Vakuf                    | 051-0-Reg-09-<br>000447; 02.07.2009.    | Nova Travnička bb,<br>Donji Vakuf            | Šutković Nermin;08DHB2369,<br>27.06.2008.Donji Vakuf,MUP SBK     |
| 5.  | Poljoprivredna zadruga "CROLAND" p.o. Žepče                     | 043-0-Reg-16-<br>000972; 19.10.2016.    | Stjepana<br>Tomaševića bb,<br>Žepče          | Sumić Željko, 07CYC2606,<br>21.05.2007. Žepče, MUP ZDK           |
| 6.  | Opća poljoprivredna boračka zadruga "PRAČANKA" p.o. Pale-Prača  | 045-0-Reg-16-<br>000047;<br>19.10.2016. | Prača bb, Prača-<br>Pale                     | Ahmedbegović Samir,280K0205A,<br>10.09.2013. Sarajevo, MUP KS    |
| 7.  | Opća poljoprivredna zadruga "VIP DRINA" p.o. Ustikolina         | 045-0-14-000001<br>12.02.2014.          | Omladinska bb,<br>Ustikolina                 | Nevorić Semir, 1A0K00EJ4,<br>03.01.2014. Goražde, MUP BPK        |
| 8.  | Poljoprivredna zadruga "KENO" p.o. Čapljina                     | Tt-0-395/13;<br>11.06.2013              | Bivolje Brdo bb,<br>Čapljina                 | Korać Almir, 1J1002J7M,<br>25.01.2016, Čapljina, MUP HNK         |
| 9.  | Opća zadruga "SLOGA" p.o. Zavidovići                            | 043-0-Reg-12-<br>001002; 01.10.2012.    | Krivajska bb,<br>ekonomija,<br>Zavidovići    | Muharemović Halil, 4J0T03T5M,<br>23.03.2015. Zavidovići, MUP ZDK |
| 10. | Opšta poljoprivredna zadruga "INTER AGRO" p.o. Kakanj           | 043-0-Reg-13<br>000102; 11.02.2013      | Selima efendije<br>Merdanovića bb,<br>Kakanj | Delibašić Alen, 430M01083,<br>28.03.2014, Kakanj, MUP ZDK        |
| 11. | Poljoprivredna zadruga "AGROPROMET" p.o. Tuzla                  | U/I-557/04;<br>26.04.2004.              | Mihajla Mikelje<br>Tešića br. 92,<br>Tuzla   | Ćerimović Senad, OK10112A4,<br>22.04.2016.,Tuzla, MUP TK         |
| 12. | Boračko /Braniteljska zadruga "PLODOVI HERCEGOVINE" p.o. Konjic | Tt-0-902/15;<br>30.12.2015              | Civilnih žrtava rata<br>bb,<br>Konjic        | Balić Duran, 200M01264,<br>28.04.2014, Konjic, MUP HNK           |

## **I OPŠTE ODREDBE**

### **Član 1.**

Ovim ugovorom regulišu se pitanja vezana za osnivanje Saveza zadruga u Federaciji Bosne i Hercegovine (u daljem tekstu: Savez) u skladu sa odredbama Opšteg zakona o zadrugama Bosne i Hercegovine ( Službeni glasnik BiH , br 18/03 od 01. jula 2003. godine ).

### **Član 2.**

Članice Saveza udružuju se u Savez na neodređeno vrijeme .

### **Član 3.**

Ovim Ugovorom uređuju se: firma i sjedište Saveza, članstvo, ciljevi udruživanja, djelatnost, istupanje u pravnom prometu i odgovornost za obaveze, organi upravljanja, organizacija, prestanak i druga pitanja .

## **II FIRMA I SJEDIŠTE SAVEZA ZADRUGA U FEDERACIJI**

### **Član 4.**

Firma Saveza glasi : Savez zadruga u Federaciji Bosne i Hercegovine p.o. Sarajevo

Skraćeni naziv glasi : Savez zadruga u Federaciji BiH p.o. Sarajevo

### **Član 5.**

Sjedište Saveza je u Sarajevu, Branislava Đurđeva 10 / IV.

Promjena firme i sjedišta Saveza vrši se posebnom odlukom Skupštine Saveza.

### **Član 6 .**

Savez ima svoj pečat.

Pečat Saveza je gumeni, okruglog oblika u kojem je u krugu napisan njen naziv, a u sredini sjedište i broj pečata.

Tekst pečata može biti napisan i na stranim jezicima .

### **Član 7.**

Savez ima svoj štambilj.

Štambilj Saveza je pravougaonog oblika i sadrži naziv i sjedište Saveza, kao i broj i datum.

## **III STICANJE I PRESTANAK ČLANSTVA U SAVEZU I PRESTANAK SAVEZA**

### **Član 8.**

Članice Saveza su poljoprivredne, zemljoradničke, stambene, zanatske, uslužne, omladinske, štedno-kreditne i druge zadruge sa područja Federacije BiH koje potpišu ovaj Ugovor kao i drugi zadružni savezi sa područja Federacije.

Članstvo u Savezu stiče se na osnovu odluke organa upravljanja zadruga, da pristupa u članstvo Saveza i pristupne izjave kojom prihvataju prava, obaveze i odgovornosti člana Saveza, utvrđene Zakonom, Ugovorom i Pravilima.

#### **Član 9.**

Uz pristupnu izjavu zadruga koja želi pristupiti Savezu zadruga u Federaciji BiH prilaže i dokaz o uplati uloga u novcu u visini 100 KM.

#### **Član 10.**

Posle osnivanja Saveza, Upravni odbor Saveza informiše se na prvoj narednoj sjednici o eventualnim novim članicama Saveza koje su u međuvremenu potpisale Ugovor.

#### **Član 11.**

Podnosilac zahtjeva čiji je zahtjev odbijen ima pravo žalbe Skupštini Saveza u roku od 15 dana od dana prijema odluke o odbijanju zahtjeva o pristupanju Savezu od Upravnog odbora Saveza.

#### **Član 12.**

Skupština Saveza, u skladu sa Pravilima Saveza, može donijeti odluku o isključivanju članica iz Saveza .

#### **Član 13.**

Članice Saveza mogu dobrovoljno istupiti iz Saveza .

Odluka članica o istupanju iz Saveza stupa na snagu godinu dana poslije njenog donošenja, odnosno dostave Savezu .

#### **Član 14 .**

Savez prestaje sa radom :

- ako Skupština Saveza dvotrećinskom većinom svih glasova odluči da Savez prestaje;
- ako se pravosnažnom odlukom suda utvrdi ništavnost upisa u sudski registar;
- u slučaju stečaja;
- u drugim slučajevima utvrđenim Zakonom, Ugovorom i Pravilima Saveza .

### **IV VISINA ULOGA I GODIŠNJA ČLANARINA**

#### **Član 15.**

Članovi Saveza zadruga u Federaciji Bosne i Hercegovine su obezbjedili osnivačke uloge u novcu u ukupnom iznosu od 1.200 KM.

|                                                           |        |
|-----------------------------------------------------------|--------|
| Poljoprivredna zadruga "Agroeko" Ilidža                   | 100 KM |
| Stambena zadruga „UPI Radnika“ Sarajevo                   | 100 KM |
| Opća zemljoradnička zadruga „Žepački Rolend“ Žepče        | 100 KM |
| Zemljoradnička zadruga „AT“ Donji Vakuf                   | 100 KM |
| Poljoprivredna zadruga "Croland" Žepče                    | 100 KM |
| Opća poljoprivredna boračka zadruga „Pračanka“ Pale-Prača | 100 KM |
| Opća poljoprivredna zadruga „VIP Drina“ Ustikolina        | 100 KM |
| Poljoprivredna zadruga „Keno“ Čapljina                    | 100 KM |
| Opća zadruga „Sloga“ Zavidovići                           | 100 KM |
| Opšta poljoprivredna zadruga „Inter Agro“ Kakanj          | 100 KM |
| Poljoprivredna zadruga "Agropromet" Tuzla                 | 100 KM |
| Boračko /Braniteljska zadruga "Plodovi Hercegovine"Konjic | 100 KM |

### **Član 16.**

Članovi Saveza zadruga u Federaciji Bosne i Hercegovine uplaćuju mjesečnu članarinu na transakcijski račun Saveza prema broju uposlenih radnika svake članice i to:

|                                      |           |
|--------------------------------------|-----------|
| - bez uposlenih                      | 0,00 KM   |
| - do pet uposlenih radnika           | 30,00 KM  |
| - na svakog novog uposlenog dodatnih | 5,00 KM   |
| - najviše                            | 100,00 KM |

## **V CILJEVI UDRUŽIVANJA**

### **Član 17.**

Ciljevi udruživanja u Savez su :

#### **a) U oblasti poslovanja**

- pomaganje članicama u utvrđivanju njihove proizvodno – poslovne orijentacije;
- pomaganje članicama u donošenju poslovnih planova i investicionih programa;
- analiziranje poslovanja članica i predlaganje mjera i aktivnosti za unapređivanje poslovanja;
- koordiniranje poslovnih aktivnosti članica u cilju ostvarivanja njihovih boljih poslovnih rezultata;
- formiranje preduzeća u cilju organizovanog nastupa na domaćem i inostranom tržištu ( sagledavanje obima, strukture i dinamike ponude poljoprivrednih proizvoda, šumskih plodova, ljekovitog i aromatskog bilja, kao i svih drugih roba koje postavljanju savremene informacijske opreme radi izgradnje jedinstvenog informacionog sistema za svoje članice i njegovog povezivanja sa drugim sistemima u zemlji i svijetu i dr.
- pružanje operativne, organizaciono-pravne i druge pomoći potencijalnim osnivačima nude članice; utvrđivanje potreba za kupovinom svih repromaterijala, poljoprivrednih i drugih mašina, priključaka, rezervnih dijelova i opreme za članice; praćenje ponude i tražnje članica na sajmovima i sličnim manifestacijama u zemlji i inostranstvu i dr. );
- pružanje pomoći članicama u saradnji sa bankama i drugim štedno-kreditnim institucijama ;
- informisanje članica o najpovoljnijim uslovima angažovanja kreditnih sredstava za tekuću proizvodnju i investicije;
- pružanje organizaciono-stručne podrške članicama u izboru, nabavci i u svim sredinama gdje oni dobrovoljno pokažu interes za osnivanje zadruga u svim vidovima djelatnosti ( pripremanje osnivačkih akata, registracije zadruga, izrada projekata i sl. );
- pružanje pomoći u iznalaženju drugih vidova poslovnog organizovanja i povezivanja;
- informisanje o značaju udruživanja u zadruga i druge vidove poslovnog povezivanja za uspješniju proizvodnju i poslovanje;
- sagledavanje interesa članica u kantonima – županijama za udruživanje u zadružne saveze na nivou kantona – županija i pružanje pomoći u osnivanju kantonalno-županijskih zadružnih saveza.

#### **b) U oblasti saradnje sa državnim i drugim organima**

- informisanje nadležnih državnih organa na nivou općina, kantona-županija i Federacije BiH o rezultatima i teškoćama u poslovanju članica, kako bi se

informacije koristile za donošenje odgovarajućih mjera u oblasti tekuće ekonomske i razvojne politike;

- saradnja sa nadležnim organima u općinama, kantonima-županijama i Federaciji BiH na donošenju propisa i mjera od interesa za članice;
- pripremanje inicijalnih i radnih verzija zakona, programa, planova i mjera od interesa za članice i državu u cjelini, na inicijativu nadležnih državnih organa ili samostalno;
- zastupanje interesa članica pred državnim organima, u privrednim komorama i drugim asocijacijama u koje se, voljom članica, Savez uključio;
- praćenje propisa i mjera na nivou Federacije BiH koje se odnose na zadrugarstvo, podsticanje njegovog razvoja, izvozno-uvoznu politiku, informisanje članstva o njihovoj sadržini i dr.;
- saradnja sa zadružnim asocijacijama u Republici Srpskoj, kao entitetu države Bosne i Hercegovine, u cilju uspostavljanja i jačanja poslovnih kontakata, transformacije i jačanja Zadružnog saveza Bosne i Hercegovine;

c) U oblasti edukacije i informisanja

- uspostavljanja organizovanije saradnje sa obrazovnim, naučnim i stručnim institucijama u cilju zadovoljavanja interesa svih članica;
- organiziranje edukacije zadrugara, zaposlenika u zadrugama i preduzećima, u skladu sa ispoljenim interesom članica koji proizilazi iz njihove poslovne orijentacije (predavanja, seminari, kursevi, savjetovanja, stručne ekskurzije u zemlji i inozemstvu i drugi oblici edukacije);
- oraganizovanje saradnje sa štampom, radiom i televizijom u cilju blagovremenog, stručnog, cjelovitog i objektivnog informiranja zadrugara, stručne i šire javnosti o rezultatima i teškoćama u poslovanju članica;
- iznalaženje i realizacija odgovarajućih vidova edukacije putem programa štampe, radija i televizije na općinskim, kantonalno-županijskim i federalnom nivou;

d) U drugim oblastima

- iniciranje aktivnosti i postupaka da se zadružna imovina, u općinama gdje sada posluju zadruge, vrati stvarnim vlasnicima.

## **V I DJELATNOST**

### **Član 18.**

Djelatnost Saveza je :

69.10 Pravne djelatnosti

74.90 Ostale stručne, naučne i tehničke djelatnosti, d. n.

82.30 Organizacija sastanaka i poslovnih sajмова

94.11 Djelatnost poslovnih organizacija i udruženja poslodavaca

## **VI I ISTUPANJE U PRAVNOM PROMETU I ODGOVORNOST ZA OBAVEZE**

### **Član 19.**

Savez ima pravo da u pravnom prometu zaključuje ugovore i sporazume, te vrši druge pravne radnje u okviru svoje pravne sposobnosti u svoje ime i za svoj račun, u svoje ime i za račun članica, kao i u ime i račun članica.

Kad Savez istupa u ime i za račun članica za obaveze prema trećim licima odgovaraju članice.

Kad Savez istupa u svoje ime i za račun članica odgovornost za obaveze utvrđuju se ugovorom između Saveza i članica.

Kada Savez istupa u svoje ime i za svoj račun za obaveze prema licima odgovara svojim sredstvima.

#### **Član 20.**

Savez ima obavezu da izvršava sve odluke koje budu donešene od strane Skupštine i Upravnog odbora, a u skladu sa predmetom poslovanja koje obavljaju članice Saveza.

Stručne službe Saveza su dužne da prate zakonske propise koji pobliže određuju predmet poslovanja članica Saveza i o svim bitnim promjenama obavještavaju ih .

### **VIII ORGANI UPRAVLJANJA**

#### **Član 21.**

Organi Saveza su : Skupština; Upravni odbor; Nadzorni odbor; predsjednik.

#### **Skupština Saveza**

Najviši organ upravljanja u Savezu je Skupština Saveza.

Skupštinu Saveza čine članice Saveza odnosno od njih ovlašteni predstavnici.

#### **Član 22.**

*Skupština Saveza :*

- donosi Pravila Saveza i druge opšte akte predviđene Pravilima Saveza,
- bira i razrješava članove Upravnog odbora, Nadzornog odbora, predsjednika Saveza,
- usvaja izvještaje o radu Upravnog i Nadzornog odbora i odlučuje o drugim pitanjima o kojima odluke ne donose drugi organi Saveza,
- usvaja godišnji bilans prihoda i rashoda Saveza,
- odlučuje o planiranju rada i razvoja Saveza, raspodjeli i upotrebi dobiti i pokriću gubitaka,
- odlučuje o osnivanju preduzeća i učlanjivanju u privredne i druge asocijacije u zemlji i inostranstvu,
- razmatra i utvrđuje stavove o značajnim pitanjima iz oblasti zadrugarstva, razvojne i tekuće ekonomske politike,
- utvrđuje inicijative, prijedloge i zahtjeve i dostavlja ih nadležnim državnim i drugim organima i zalaže se za njihovo ostvarivanje,
- odlučuje o načinu finansiranja Saveza,
- odlučuje o statusnim promjenama,
- razmatra i druga pitanja u skladu sa propisima, programima rada i potrebama članica,
- u vanrednim situacijama funkciju Skupštine Saveza može preuzeti Upravni odbor u proširenom sastavu.

#### **Član 23 .**

Skupština Saveza ima predsjednika i potpredsjednika Saveza.

#### **Član 24.**

Mandat Skupštine Saveza traje četiri godine.

Skupština Saveza radi u sjednicama koje se održavaju po potrebi a najmanje jedan put godišnje.

#### **Član 25.**

Način rada Skupštine bliže će se urediti Pravilima Saveza, i Poslovníkom o radu Skupštine.

### **Upravni odbor**

#### **Član 26.**

Upravni odbor Saveza je organ upravljanja poslovima i imovinom Saveza i istovremeno izvršni organ Skupštine Saveza .

#### **Član 27.**

Upravni odbor ima 3 članova.

U slučaju da broj članica Saveza pređe 20, biraju se još 2 člana Upravnog odbora na period do kraja mandata ostala 3 člana Upravnog odbora.

Upravni odbor Saveza ima predsjednika i zamjenika predsjednika Upravnog odbora .

#### **Član 28.**

*Upravni odbor:*

- organizuje i izvršava programe i poslovne planove Saveza, izvršava odluke i zaključke Skupštine Saveza,
- razmatra aktualna pitanja zadrućarstva, prati donošenje i dejstvo zakona i mjera,
- utvrđuje prijedloge odluka i drugih akata koje donosi Skupština Saveza,
- utvrđuje prijedlog finansijskog plana i prijedlog bilansa prihoda i rashoda Saveza, visinu doprinosa i rješava druga pitanja iz domena finansijskog poslovanja koja nisu u nadležnosti Skupštine Saveza,
- utvrđuje odluku o organizaciji Saveza,
- donosi druge normativne akte u skladu sa zakonom i Pravilima Saveza,
- imenuje rukovodne, stručne i druge radnike u Savezu,
- obavlja i druge poslove po zaključcima Skupštine i u skladu sa Pravilima Saveza.

Članovima Upravnog odbora za rad u Upravnom odboru ne pripada naknada ali im se mogu priznati putni troškovi zbog dolaska i učestvovanja u radu Upravnog odbora .

#### **Član 29 .**

Mandat članova Upravnog odbora traje četiri godine .

#### **Član 30.**

Upravni odbor radi u sjednicama, koje se održavaju najmanje svaka tri mjeseca a po potrebi i češće.

Članovi Upravnog odbora angažuju se po potrebi i na drugi način .

Način rada Upravnog odbora bliže se uređuje Pravilima Saveza i Poslovníkom o radu Upravnog odbora .

## **Nadzorni odbor**

### **Član 31.**

Nadzorni odbor kontroliše rad Upravnog odbora i predsjednika Saveza i finansijsko-materijalno poslovanje i korištenje sredstava Saveza i njegove stručne službe .

Nadzorni odbor ima 3 člana .

Nadzorni odbor ima predsjednika i zamjenika predsjednika Nadzornog odbora .

Članovi Nadzornog odbora biraju se iz članica Saveza , a ne mogu biti članovi Upravnog odbora Saveza ni dužnosnici u Skupštini Saveza .

Nadzorni odbor podnosi izvještaj o radu Skupštini Saveza najmanje jednom godišnje .

Rad Nadzornog odbora bliže se uređuje Pravilima Saveza i Poslovníkom o radu Nadzornog odbora.

Članovi Nadzornog odbora ne primaju naknadu ali im se mogu priznati putni troškovi nastali kod dolaska i učešća u radu Nadzornog odbora .

## **Predsjednik Saveza**

### **Član 32.**

Savez zastupa predsjednik Saveza, bez ograničenja.

Predsjednik Saveza predstavlja Savez, rukovodi njegovim radom i poslovanjem, izvršava odluke i zaključke organa Saveza, odgovara za zakonitost rada Saveza, te obavlja i druge poslove po odredbama ovog ugovora i Pravila Saveza .

### **Član 33 .**

Predsjednik Saveza zastupa Savez u imovinskim i drugim pravnim poslovima, koordinira rad i rukovodi stručnom službom, radi na pripremanju sjednica Skupštine i Upravnog odbora i izvršavanju zaključaka i drugih akata tih organa.

Predsjednik Saveza je naredbodavac i za izvršavanje finansijskog plana, a za svoj rad odgovoran je Skupštini i Upravnom odboru .

### **Član 34.**

Mandat predsjednika Saveza je četiri godine s tim da može biti ponovo biran.

### **Član 35.**

Predsjednik Saveza može se birati iz reda sposobnih i iskusnih poljoprivrednih , ekonomskih , pravnih i drugih stručnjaka .

Predsjednik Saveza ne mora biti stalno uposlen u Savezu.

## **IX ORGANIZACIJA**

### **Član 36.**

Aktom o organizaciji utvrđuje se organizacija i sistematizacija poslova i radnih zadataka u Savezu u skladu sa ovim Ugovorom i Pravilima Saveza .

### **Član 37.**

Savez može formirati stalna i privremena radna tijela ( savjete , odbore , komisije , ekspertne i radne grupe i dr.).

### **Član 38.**

Savez i njegove članice koje obavljaju privredne djelatnosti mogu se učlanjivati u Zadružni savez Bosne i Hercegovine , privredne komore i druge asocijacije u zemlji i inostranstvu u skladu sa Pravilima Saveza i ovim Ugovorom.

### **Član 39.**

Članice Saveza plaćaju mjesečnu članarinu čija će visina biti definisana Pravilima Saveza.

## **X SREDSTVA ZA RAD SAVEZA**

### **Član 40.**

Finansijska sredstva za rad Saveza obezbjeđuju se iz:

- sredstava uloga i članarina njenih članica ;
- poslovanja Saveza;
- posebnih sredstava koje članice namjenski dodatno udruže za posebne zajedničke projekte;
- donacija ili novčanih sredstava koja treća lica obezbjeđe za podršku Savezu;
- naknada za vanredne usluge članicama;
- drugih oblika finansiranja aktivnosti Saveza.

## **XI DRUGA PITANJA**

### **Član 41.**

Ovaj Ugovor stupa na snagu kada ga prihvate i ovjere članice-osnivači.

### **Član 42.**

Ovaj Ugovor je sačinjen u 5 primjeraka od kojih po jedan pripada, sudskom registru i banci a tri Savezu.

**OSNIVAČI:**

1.POLJOPRIVREDNA ZADRUGA "AGROEKO" p.o. ILIDŽA, ID 4201259930006

Zastupano po **Drakulić Stevanu**, \_\_\_\_\_

2.STAMBENA ZADRUGA "UPI RADNIKA" SARAJEVO, ID 4200455740006

Zastupano po **Mušović Sinanu** \_\_\_\_\_

3.OPĆA ZEMLJORADNIČKA ZADRUGA  
"ŽEPAČKI ROLEND" p.o. ŽEPČE, ID 4218738960009

Zastupano po **Krehmić Mirzetu** \_\_\_\_\_

4.ZEMLJORADNIČKA ZADRUGA "AT" p.o. DONJI VAKUF, ID 4236478850008

Zastupano po **Šutković Nerminu** \_\_\_\_\_

5.POLJOPRIVREDNA ZADRUGA "CROLAND" p.o. ŽEPČE, ID 4218943890005

Zastupano po **Šumić Željku** \_\_\_\_\_

6.OPĆA POLJOPRIVREDNO BORAČKA ZADRUGA "PRAČANKA" p.o. PALE-PRAČA  
ID 4245080720006

Zastupane po **Ahmedbegović Samiru** \_\_\_\_\_

7.OPĆA POLJOPRIVREDNA ZADRUGA "VIP DRINA" USTIKOLINA, ID 4245073510004

Zastupana po **Nevorić Semiru** \_\_\_\_\_

8.POLJOPRIVREDNA ZADRUGA "KENO" p.o. ČAPLINA, ID 4227798770003

Zastupana po **Korać Almiru** \_\_\_\_\_

9.OPĆA ZADRUGA "SLOGA" p.o. ZAVIDOVIĆI, ID 4218791930006

Zastupana po **Muharemović Halilu** \_\_\_\_\_

10.OPŠTA POLJOPRIVREDNA ZADRUGA "INTER AGRO" p.o. KAKANJ, ID 4218804000003

Zastupana po **Delibašić Alenu** \_\_\_\_\_

11. POLJOPRIVREDNA ZADRUGA "AGROPROMET" p.o. TUZLA, ID 4209492440001

Zastupana po **Ćerimović Senadu** \_\_\_\_\_

12. BORAČKO/BRANITELJSKA ZADRUGA "PLODOVI HERCEGOVINE" p.o. KONJIC,  
ID 4227877640000

Zastupana po **Balić Duranu** \_\_\_\_\_

Broj : 01/ 17

Sarajevo : 11.04.2017. godine